

古今醫案按卷第三

吳江李齡壽辛垞重較輯

嘉善俞震東扶纂輯

男念祖永修較字

得璜礪溪

孫男掌明罔若全較

賂南貯賢

瘡

張戴人曰嘗觀刺瘡論心欲試之會陳下有病瘡二年不愈者屢服溫熱之劑漸至衰羸命予治之予見其羸亦不敢便投寒涼藥乃取內經刺瘡論詳之曰諸瘡不已刺十指間出

血正當發時。予刺其十指出血。血止而寒熱立止。咸駭其神。又云。一書生病瘧。間日一作。將秋試。及試之日。乃瘧之期。書生憂甚。誤以葱蜜合食。大吐涎數升。瘀血宿食皆盡。同室驚畏。至來日入院。瘧亦不發。蓋偶得吐法耳。

附資生經曰。有人患久瘧。諸藥不效。或教之以灸脾俞。卽愈。更一人亦久瘧。聞之亦灸此穴而愈。蓋瘧多因飲食得之。故灸脾俞得效。

羅謙甫治書吏高士謙。年踰四十。至元戊寅七月間。因官事出外勞役。又因過飲。午後大發熱而渴。冰水不能解。早晨稍輕減。服藥不效。羅診其脉弦數。金匱要畧云。瘧脉自弦。弦數

者多熱。內經云：痺瘡者，肺素有熱，氣盛於身，厥逆上衝，中氣實而不外泄，因有所用力，腠理開，風寒舍於皮膚之內，分肉之間而發，發則陽氣盛而不衰，則病矣。其氣不及於陰，故但熱而不寒，氣內藏於心，而外舍於分肉之間，令人消燂肌肉，故名曰痺瘡。士謙遠行勞役，又暑氣有傷，酒熱相搏，午後時助，故大熱而渴。如在甕中，先以柴胡飲子下之，後以白虎加梔子湯數服而愈。

震

按此係夏秋新得之瘡，乃實證也。又係痺瘡，故用寒下之法。然其證易識，易治，不比丹溪諸案之難辨難治。

丹溪治一婦人久痢，因哭子變瘡，醫與四獸飲之類，一日五

六作汗如雨不止。凡兩月。朱診之。脉微數。食少疲甚。蓋痢後。無陰。悲哀傷氣。又進濕熱之藥。助起旺火。正氣愈虛。今汗已。大出。無邪。可治。陰虛陽散。死在旦夕。豈小劑之所能補。遂用。參。朮。各二兩。白芍一兩。黃芪五錢。炙甘草二錢。濃煎。頻服。兩。日。寒熱即止而愈。

又治一少婦。身小味厚。痲瘡月餘。間日發於申酉。頭痛身熱。寒多口乾。喜飲極熱辣湯。脉伏。面色慘晦。作實熱痰治之。以。十。棗。湯。爲。末。粥。丸。如。黍。米。大。津。嚥。十。粒。日。三。次。令。淡。飲。食。半。月。後。大。汗。而。愈。

僉憲詹公。年近六十。形壯色蒼。味厚。春得痲瘡。丹溪視之。知。

其飫於醲肥者告之曰。須卻慾食淡。調理浹月。得大汗。乃安。公不悅。一人許以易愈。與劫藥三五貼。病退。旬日後又大作。又與之。又退。綿延至冬。又求治於丹溪。知其久得藥。痰亦少。惟胃氣未完。天寒欠汗。非補不可以。一味白朮爲末。粥丸。空腹熱湯下二百丸。盡二觔。大汗而愈。如此者多。但畧有加減耳。

一富人年壯。病瘡。自卯時寒。至酉時方熱。至寅初方休。一日一夜止甦一時。因思必爲入房感寒所致。及問之。九月暴寒。夜半有盜。急起。不着中衣。當時足卽冷。十日後瘡作。蓋足陽明與衝脉合宗筋。會於氣街。入房太甚。則足陽明衝脉之氣。

皆奪於所用。其寒乘虛入中舍於二經所過脛所會足附上。於是二經之陽氣益衰不能滲榮其經絡。故病作卒不得休。乃用人參白朮大補。附子行經。加散寒之藥。以取汗。數日不得汗。病如前。因悟足跌道遠。藥力難及。用蒼朮川芎桃枝煎湯以器盛之。浸足至膝。一食頃以前所服藥飲之。其汗通身大出。病卽已。

一老人患瘧嗽半載。脉之兩手尺數而有力。色稍枯。余料之必服四獸飲等劑。中焦濕熱下流。伏結於腎。以致心火上連於肺。故瘧嗽俱作。用參朮升柴黃芩黃連。二三日與黃栢丸服之。兩夜夢交通。來告急。余語之曰。此腎中熱解。乃從前陰

精竅而散走。故爲是夢。勿憂。次日瘡嗽頓止。
浦江洪宅一婦。病瘡三日。一發食甚少。經不行已三月。丹溪
診之。兩手脉俱無。時當臘月。議作虛寒治。以四物加附子吳
茱神麴爲丸。心疑誤。次早再診。見其梳粧無異平時。言語行
步並無怠倦。知果誤矣。乃曰。經不行者。非無血也。爲痰所碍。
而不行也。無脉者。非氣血衰而脉絕。乃積痰生熱。結伏其脉。
而不見爾。以三花神佑丸與之。旬日後。食稍進。脉漸出。但帶
微弦。瘡尚未愈。因謂胃氣旣全。春淡經血自旺。便自可愈。不
必服藥。教以淡滋味。節飲食之法。半月而瘡愈。經亦行。

震

觀丹溪諸案。思淡而法備。真有周旋中規。折旋中矩之

妙較之劉李誠出其右後人猶欲詆毀之何異蚍蜉撼樹
斥鷃笑鷗鵬哉

虞天民治二男子年皆踰四十五各得痲瘡三年矣俱發於
寅申巳亥日一人晝發於巳而退於申一人夜發於亥而退
於寅虞曰晝發者乃陰中之陽宜補氣解邪與小柴胡湯倍
加柴胡人參加白朮川芎葛根陳皮青皮蒼朮夜發者爲陰
病宜補血疎肝用小柴胡湯合四物加青皮各與十貼俱加
薑棗煎於未發前二時服每日一貼服至八貼同日得大汗
而愈

震按二證爲同中之異花溪分別精細用藥熨貼故八貼

卽愈然亦緣瘡已三年發時不爽乃得間而入如其不然
當另有說但於未發前二時服又云每日一貼則不發之
日亦依其時而服耶

薛立齋治一產婦患瘡久不愈百病蜂起其脉或洪大或微
細或弦緊或沉伏難以名狀用六君子加炮薑二十餘劑脉
證稍得又用參朮煎膏佐以歸脾湯百餘劑而痊

又治一婦久瘡形體怯弱內熱晡熱自汗盜汗飲食少思月
事不行服通經丸病益甚此因虛而致瘡因瘡而致經閉用
補中益氣湯及六味丸各百餘劑瘡愈而經行矣

震

按藥已對病尙百餘劑始愈設醫者拿不定則見異而

遷病者信不真則半途而廢必至前功盡棄因知虛證用
補慎毋欲速

汪石山治一人形瘦色脆年三十餘八月因勞病瘧寒少熱
多自汗體倦頭痛胸痞畧欬而渴惡食大便或秘或溏發於
寅申巳亥夜醫欲從丹溪用血藥引出陽分治之汪診其脉
濡弱近駛稍弦日觀色察脉乃屬氣血兩虛瘧已深入厥陰
矣專用血藥不免損胃又損肺淹延歲月恐久瘧成勞也蓋
嗽渴固宜養陰自汗惡食胸痞豈血藥所能獨理古人用藥
立例指引迷途耳因例達變須後人推廣之遂以補中益氣
湯加川芎黃栢枳實神麴麥冬倍用參芪朮煎服三十餘貼

諸證稍除，瘧猶未止，乃語之曰：今當冬氣沉潛，瘧氣亦因之以沉潛。難使浮達，況冬月汗孔宜乎閉固，而瘧則必須汗解。當此蟄藏之令，安得違天時以汗之乎？且以參朮枳實陳皮歸身黃芩九服，胃氣既壯，來年二月瘧當隨春氣而發泄矣。果如期而安。

震

按冬藏難使浮達，亦備啟悟之一端。其不用血藥，誠爲高見。然補中益氣之升柴，已與嗽渴自汗不相宜。更加川芎，何謂？

一人年三十，六月因勞取涼夢遺，遂覺惡寒，連日慘慘不爽。三日後頭痛躁悶，家人診之，驚曰：脈絕矣。議作陰證，欲進附

子湯未決。請汪治。汪曰。陰證無頭痛。今病如是。恐風暑乘虛入于陰分。故脉伏耳非絕也。若進附子湯。誤則莫解。姑待以觀其變。然後議藥。次日未末申初。果病寒少熱多。頭痛躁渴。痞悶嘔食自汗。大便或瀉或結。脉皆濡小而駛。脾部兼弦。此非尋常祛瘧燥烈之劑所能治。遂用清暑益氣湯。去蒼朮升麻加柴胡知母厚朴川芎。以人參加作二錢。黃芪錢半。白朮當歸各一錢。煎服二十餘貼而愈。

震

按脉證有可疑處。猛浪投以重藥。脫有所悞。噬臍何及。姑待以觀其變。真老醫之老到處也。

一人年二十餘。八月因勞病瘧。汪診之。脉數皆六至而無力。

曰古人云形瘦色黑者氣實血虛也。間日發於午後。亦血分之病也。以色脉論之。當從血治。但今汗多。乃陽虛表失所衛。消穀善飢。乃胃虛火乘其土。俱爲氣虛之證。仲景法有憑證不憑脉者。茲當憑證作氣虛治。以參芪各三錢。白朮白芍麥冬各一錢。歸身生地甘草各七分。知母陳皮各五分。煎服二十餘貼而安。

震

閱石山治瘡案二十二條所載脉象。或曰浮濡無力。或曰浮而欲絕。或曰濡小而緩。或曰浮大而濡。或曰濡弱近駛稍弦。或曰數而無力。是分明參芪朮草之病。無甚疑難。少分寒熱。自易取效。故僅登三條。餘可類推。

王肯堂云外祖母虞太孺人年八十餘夏患瘧諸舅以年高不堪再發議欲截之予曰欲一劑而已亦甚易何必截乎乃用柴胡升麻羌防葛根之甘辛氣清以升陽氣使離於陰而寒自已以知母石膏黃芩之苦甘寒引陰氣下降使離於陽而熱自已以猪苓之淡滲分利陰陽使不得交併以穿山甲引之以甘草和之果一劑而止

震

讀靈蘭要覽載此方治瘧屢效又附隨證加減法最爲精當是金壇得意之作也李士材治新安程武修藍本於此惟以白豆蔻換穿山甲亦其善用藥處

李士材治相國沈銘禎患瘧吐衄悶不思食六脉沉細李曰

瘡傷太陰中寒。蛔動也。用理中湯加烏梅三個、黃連五分。四劑後，胸中豁然，寒熱亦減，虵亦不吐，去黃連，加黃芪二錢，生薑五錢，五劑而瘡止。

繆仲淳治梁溪王興甫，偶食牛肉，覺不快，後遂發瘡，飲食漸減，至食不下咽，已而水飲亦不下。白湯過喉間，嘔出作碧色，藥不受，小便一滴如赤茶，大便閉，諸醫束手。繆視之，令仰臥，以指按至心口下偏右，大叫，因詢得其由，即用礬紅和平胃散作末，棗肉和丸，白湯下三錢，至喉輒不嘔，水道漸通。次日下黑物數塊如鐵，其病若失，再以人參、麥冬各五錢，橘紅、白芍各三錢煎服，四日起。

震
按理中加梅連以治吐衄磬紅和平胃散以治停滯牛
肉原非奇方異法然與諸案病情稍別故錄之

僧慎柔治淮安客年三旬外季夏患瘧瘧但熱不寒連日發
於午後熱躁譫語至次日天明纔退數日後忽腹痛晝夜無
間勺水不進呼號欲絕遇瘧發時卽厥去醫治不效求慎柔
診之脉弦細而濡乃謂弦細爲虛爲暑而濡爲濕蓋暑邪成
瘧濕熱乘虛內陷而腹痛用酒炒白芍一兩炙甘草一錢五
分水煎調下天水散五錢服後腹痛如失次日瘧亦不發

震
按此與繆仲宣用丹皮汁煮滑石法同而此少遜之且
腹痛甚遇瘧發卽厥恐戊己天水未必效